

**Angajoqqaarsiat aamma ilaqtariit oqilisaasut meeqqanut paarisaminut ilaquaanngitsut minnerpaamik 25-nik ukioqalereersimasarnissaat aalajangersaaffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Astrid Fleischer Rex, Demokraatit)

**Akissuteqaat**

(Ilaqtariinermut, Kultureqarnermut, Ilageeqarnermut Naligiissitaanermullu  
Naalakkersuisoq)

**Siullermeerneqarnera**

Naalakkersuisut Astrid Fleischer Rex, angajoqqaarsiat aamma ilaqtariit oqilisaassisut meeqqamut paarisaminut ilaquaanngitsut minnerpaamik 25-nik ukioqalereersimasarnissaat aalajangiiffigeqqullugu siunnersuuteqarneranut qutsavigaat.

Nuannerpoq, inuaqtigiiit akornatsinni ilaqtariippassuaqarmat angajoqqaarsiatut imaluunniit ilaqtariittut oqilisaassisutut suliassamik tiguserusuttunik. Meeqqamik paarsineq aamma meeraq aalajangersimasumik aalajaatsumillu atugassaqartissallugu, peqatigitillugulu aamma angajoqqaavisa tunniussinnaasimanngisaannik meeraq asanninnermik toqqisisimarnermillu tunissallugu unammillernartorujussuvoq. Taamaattumik angajoqqaarsiaanerup imaluunniit ilaqtariittut oqilisaassisuunerup akisussaafferujussuaq malitsigaa, inerisimasuunissamik aamma akisussaassusermik pingaartitsinermik piumasaqaateqartoq. Angajoqqaarsiatut ilaatigut inissisimaneq artornarsinnaavoq aamma misigissutitigut ilungersunarsinnaavoq.

Naalakkersuisut isumaqarput, angajoqqaarsianut aamma ilaqtariinnut oqilisaassisunut, meeqqamut ilaquaanngitsunut, ukiunut killigititaq pillugu malittarisassamik pingaarnermik atulersitsineq silatusaarnerusinnaasoq. Akisussaassusermik pingaartitsineq aamma utoqqaassuseq akuttunngitsumik imminnut naapertuuttarput, taamaattorli tamatigut taamaattariaqanngilaq.

Angajoqqaarsiat aamma qitornarsiap imminnut naleqqulluarnissaat qulakkiissallugu pingaaruteqarpoq. Naleqqussaaneq arlalinnik aalajangiinermik tunngaveqarluni suliarineqassaaq, ilaatigut angajoqqaarsiat utoqqaassusiat meeqqallu qassnik ukioqarnera eqqarsaatigineqassallutik. Taamatuttaaq ataasiakkaanut naliliinerusarpoq angajoqqaarsiat meeqqat ataasiakkaat atorfissaqartitaat naammassisinnaaneraat. Aalajangiinermi tunngaviusut soorlu angajoqqaatut piginnaasaqarneq, eqqarsartaatsikkut inerisimassuseq, piffissaqassuseq, aningaasaqarneq aamma meeqqat inerikkiartornerannik ilisimasaqassuseq naliliiniarnermi tamarmik pingaartinneqartariaqarputtaaq, angajoqqaarsianngorniarluni qinnuteqaatigineqartoq akuerineqarsinnaassappat.

Kulturikkut naleqartitat qitornarsiap angajoqqaarsiallu imminnut naleqquttuusinnaanerannut pingaaruteqarputtaaq. Pingaaruteqarpoq qulakkiissallugu meeqqat angerlarsimaffiup avataanut inissinneqartut ilaqtariinnut naleqqussarfigisinnaanerpaasaminut

inissinneqartarnissaat, taakkunani meeraq pitsasumik  
inerikiartorsinnaalluarnerusinnaammat.

Meeqqat inuusuttullu pillugit Inatsisartut peqqussutaanni piumasaqaataavoq angajoqqaarsiat meeqqanut paarisassanngortitanut ataasiakkaanut tamanut allakkatigut paarisaqarnissamat

akuersissummik peqartassasut. Siunertaavoq paarisaqalernissaq sioqquillugu meeqqap pisariaqartitaanut tunngatillugu angajoqqaarsiat nukissaqassusiannik sukumiisumik misissuisimanissaq naliliisimanissarlu.

Meeqqanut inuusuttunullu tunngassuteqartuni inatsisit iluarsaateqqinnejnarernannut atatillugu Naalakkersuisut siunertaraat angajoqqaarsianngussagaanni maannakkut piumasaqaataareersunik sukaterisoqarnissaa. Siunertaavoq meeqqat paarineqalissagunik toqqisisimasuunissaat qulakkiissallugu.

Maannakkut Naalakkersuisut angajoqqaarsiaqarnermut tunngasut tamakkerlugit sukumiisumik misissuiffigineqarnissaat pilersaarusrorpaat. Neriutigineqarpoq misissuineq siunissami suliassat pitsangorsaanerillu suut atorfissaqartinnejnarsut nalilersuinermut pitsasumik aallaaviussasoq.

Naalakkersuisut ukiuni kingullerni meeqqanut inuusuttunullu tunngasut immikkut soqutigisaraat taamatuttaaq angajoqqaarsiaqartitsisarnermut tunngasut. Ukiuni 2009-miit 2011-mut angajoqqaarsiaqartitsisarnermut tunngasuni pissutsit nukitorsarniarlugit aningaasanut inatsimmi aningaasanik atugassanngortitsisoqartarpoq, ilaatigut angajoqqaarsianut siunnersortinut kiisalu illoqarfinni tamani angajoqqaarsianut najukkami pikkorissartitsisarnernut ingerlatsinermut aningaasartuutit amerlanerpaamik 50 procentiinik kommuninut tapiissuteqartarnikkut.

Siunissami kommunit angajoqqaarsiaasartunik pitsaanerusumik pissarsiortarnissamat, ineriartortitsisarnissamat tigummiinniinnarniartarnissamullu pitsaanerulersinnaaqquillugit 2010-mi sulisussarsiortarnermut, ilinniartitaanermut, akuersissuteqartarnermut aaqqissuussaanermullu tunngasunik arlaleriarluni pikkorissartitsisoqarpoq. Pikkorissartitsinerni tamakkunani Danmarkimi RUGO-mik pikkorissartitsinernik aallaaveqarput, taakkulu immikkut ittumik ilusiliisarneq malillugu ineriartortaapput, tamakkunani immikkut ittumik periaaseqarluni kommunini sulianik ingerlatsisartut paaqqinnittarnermut tunngasut aaqqissuussaanerannut pisariaqartinnejnartunik piginnaasassanik atortussanillu tuniorarneqartarlutik. Nuummi RUGO-mik pikkorissartitsisoqartareerpoq, sulissutigineqarlunilu taakku kommuninut tamanut siamarneqarnissaat, immaqa nunatsinni pissutsinut naleqqussarlugit.

Qitornarsiat inuiaqatigiinni immikkut eqqorneqajasuusarput. Qitornarsiat ilaqtariinnit ingerlluanngitsuneersuukkajuttarput, taakkunani lu meeqqap ineriartornissaanut meeraq pisariaqartinnejnartutut toqqisisimanermik aalajaassusermillu tunineqarsinnaasannilaq. Meeqqat paarerlugaasimasut immikkut paaqqutarineqartariaqarput immikkullu ittunik pisariaqartitsisararlutik. Pingaarteqarpoq angajoqqaarsiat nukissaqarnissaat meeqqamik taamaattumik paarisqarsinnaassagunik. Toqqisisimanermik aalajaatsuunermillu meeqqamut pilersitsissagaanni inerissimasuusariaqarpoq akisussaassuseqarluni taamaammallu ukiunik killiliisoqarnissaat siunertamut naleqquttuussalluni.

Naalakkersuisut siunnersuut tunngaviatigut isumaqatigaat kisiannili Inatsisartut ataatsimiititaliaat susassaqartut aappassaaniinneerinissaq sioqquillugu akuersissutigineqartussamik allannngortitsisoqarsinnaaneranik siunnersuuteqartoqarnissaa siunertalaralugu suliamik suliarinninnissaannut kaammattorlugit, tassani

oqaasertalersorneqassammata angajoqqaarsiaasartut ilaqtariillu oqilisaassisuuusartut meeqqamut ilaquaanngitsut allanik aporfissaqartitsisoqassanngippat ikinnerpaamik 25-nik ukioqalereersimasarnissaat.

Naalakkersuisut taamatut oqaaseqarlutik aalajangiiffisassatut siunnersuut isumaqataaffigaat Inatsisartunilu pingaarutilimmik oqallitoqarnissaa qilanaaralugu.